

「甚麼學習方式是小朋友學得開心又學得好」

葉嘉琦

2017年3月20日

各位好。我是一個二年級學生，我叫葉嘉琦。今日我要講的意見是：「甚麼學習方式是小朋友學得開心又學得好」

我唔鍾意中文堂，因為要背書，一篇有50幾個字，好長，每個星期都要抄要背要默。但係我好鍾意英文，同埋英文堂，因為有得擺獎品，問完問題，答咗嗰條問題，就有得擺貼紙，擺夠貼紙之後就可以換禮物。但係我又唔鍾意數學，因為數學堂要常常計數，又除數又乘數，好難，6月仲要學分數。

我好鍾意嘅就係視藝，電腦，圖書同埋周五課外活動。因為視藝堂可以畫畫同埋做手工，電腦堂可以玩電腦。圖書堂可以睇圖書和看卡通片例如哈母太郎。周五課外活動可以玩ipad，唱歌，同埋換禮物。我真係好鍾意英文，電腦，圖書堂。外籍老師可以同我哋一齊食爆谷，同埋睇圖書。

其實要小朋友學得開心又學到野，最緊要是：

1. 我們能力可以應付得來；
2. 課堂活動又做、又講、又有活動遊戲，樂趣多些；
3. 老師積極鼓勵我們，又有獎勵
4. 一年減少一次評估考試

要小朋友開心返學其實可以好簡單，就是請老師做好基本的責任。

媽咪從不催谷我讀書要點叻。她話健康生活最重要，要有遊戲，有休息，有親子時間。但現在我玩的時間唔夠，連睡覺的時間都唔夠。

請未來特首幫幫我們小朋友，使我們有開心的童年，每天喜歡上學去。多謝各位。